

Pitare Quraŋ 2

Pitaji Quraŋine ruame 2 fukeya.

Mimitaniŋ

Pitaji Quraŋ yo Kristore ogopuine moreŋ so ŋeku rabuŋ, yoŋore ruame roregaru raya. Goineji buŋo jijibuine bofukeru ŋiŋigo qaji yareru bojibu yabebuŋ ore gogo gbagbataeŋine bokeru boesau ekesoŋ ya kosa eba eku gobuŋ. Qaqaji jijibuine oi Anuturu buŋo rurumaŋgo so raru (2.10) jauba (3.17) eru sakiyaŋuŋ miteŋ garu (2.18) jauba-iriŋbiriŋ (2.10) eru yoŋoyaŋunde aŋiyaŋuŋgo gobuŋ. Eeboboyaŋunji Yesu mugabuŋ. Yoŋoji igosisi ŋiŋigo aramboboyaŋuŋ tomiri goku raqowareqo ŋiŋigo (2.3) gbagbaŋine (2.18) tiŋtuŋ eyarebuŋ. (3.3-4)

Pitaji buŋo eru eebobo ore eru manebu soguine maneru poretiŋgaiŋ ore jigo qaku munaŋqoqore fuŋne mitaniŋgaga. Maŋyaŋuŋ bapakareru mimitiine iŋi quraŋgaya, “Anutu eru Ofon Yesu Kristo oi fofori manesiŋ yaperu yokoke qakatokabeneŋ yobiŋ oi ba waki ebire afagaiŋ. Mamane oŋuine oi momimi matayoŋ, ŋiŋigo yoŋoyaŋunde jiŋoyaŋunji Yesu ŋonebi ŋiŋigo qaji yareru goya, oi maneru nojibi wareko manebeŋ. Ore eru gogo gbagbataeŋine goku yauraine gogo eru maŋyoka oi ŋadi gainebi.”

Goineji yameŋ keku iŋi kosa miku ŋiŋigo qaji yareru bojibu yabebi gobuŋ, “Kristoji moke so kirieŋ.” Buŋo oi momimi buŋoine. Pitaji buŋo ore eru manebu soguine maneru mobeine iŋi bokieru miku quraŋgaya, “Kristoji kirieŋgo damaŋine bojorome ropeiŋgo ore kamasi fukega, oi iŋi ore: Anutuji ŋiŋigo noŋundeone moji sibirigaiŋ ore so manegayoŋ, sosowo noŋuŋ maŋnoŋuŋ kerisieru agiburauŋ gogonoŋuŋ bokekimiŋ ore maneru yameŋ keega.”

Buk yoore mobe qoruine 4 oi iŋi:

Buŋo fuŋfuŋgaine 1.1-2

Anutuji gbagbataeŋine gokimiŋ ore oŋga noreya 1.3-21

Qaqaji jijibuine yoŋore fuŋne 2.1-22

Tatariineo Kristoji kirieru wareiŋ 3.1-18

1 ¹Saimon Pita nonji ŋoŋoke buŋo mimane eiŋgo quraŋ yo quraŋgago. Yesu Kristoji sore nume aposol fukeru kiŋaŋ qateku goego. Ofon Anutunoŋunji Munaŋqoqo Rauine Yesu Kristo soreme wakiko

ijore eru buņonoņuj mitariko posikebeneņ mamanesiņnoņunji fukeya. Ŋoņo mamanesiņ oi akonj raugabi furiine ropekiine fukeko niņo oņuine kiwaqawaineke gogobi.

²Ŋoņo Anutu eru Ofonņoņuj Yesu mane muku yapegobi, yokoji yaunmoririine boakonj yobu ŋarebire womoo goinebi. Oņu.

Anutuji onęa ŋareya, oo sananęaru dimainebi.

³Anutuji kuririquranj Rauine bibiineke fukega. Ore so noņuj gbagbataeņine qanķisiekiine fukeru gokimiņ ore onęa noreya. Fuņine oņu mane mukubeneņ yaun noreega ore fuņine fukeya. Noņuj gogo sananęine goku mande kekegbore poretiņ ekimiņ ore ya embimbiņgaekimiņ, ijore Sombuņ koito usunji oi sosowo noreko biņenoņuj fukeeiņ.

⁴Kuririquranj Rauine iņoji maņnoņungo gioine qembibiineke baku yaunęine sosowo noreiņgo maneega. Anutuji jofofo buņoine noreya, ore furiineji ropekiine fukega. Ŋoņo esene morende aņiņanęuj sananęine sembene kosa boyoberu wuwunuņ maņineo gobuņyoy, Anutuji ŋoņo oone akonj bomuku ŋaberu ŋeji ŋabeya. Oņu fukeko yauraine gogo geņęaru ŋadi ganimiņ ore munaņqoqo buruine ruame pega. Mamane eru eebobo kuririquranęineke Anutureo pega, iņoji ŋoņo ore so qowirieru gariine fukenimiņ ore yameņ keega. Ŋoņo jofofo buņoine soguine yobu oo qakatogobi ine, iņoji dobe ŋabeko moke qowirieru Sombunde kuririine bofukeru raugaru gonimiņ. Kuririine oiji soine getireru saga ŋabeį.

⁵Anutire jofofo buņo oņu pega ore eru ŋoņo mamanesinde fori fuke ŋareya oi yaduru goinebi. Oņu gonimiņ ore yameņ keku qij keru dimaru jigo qaku goinebi. Foriine fuke ŋareį, ore so soine Anutire kadi jikigaru mane mukunimiņ. ⁶Mamane-mukuņanęunji sogueme soine eeboboņanęuj jikigaru sisiņanj eenimiņ. Sisiņanj eeņanęunji sogueko soine dimaku sananęaru yobiņ maneku karieru osigaku goinebi. Dimaku sasananęanęunji sogueme soine moke Anutire mire so mande gio kekegbore eru goinebi.

⁷Mande kekegboreņanęunji fukeru sogueko soine manjokoņanęunji saueko maņķekerisie ogopuņanęuj oogo eku sisiņanj eeku goinebi. Manji jojokoņanęunji saueko soine ŋiņigo sosowo manjoko eyareru goinebi.

⁸Ŋoņo Anutire kuriri oņuine raugaru basaueru gonimiņ ine, abutaine so gonimiņ. Oņu matayonj, kuririine oiji maņgo eņareko afagaru Ofonņoņuj Yesu Kristore fuņne mane mukuru soine gioine miine dimaku babi foriine fukeeiņ. ⁹Soine fukeeiņyoy, uri yoņoreo Anutire kuriri oņuine so pe yarega ine, yoņore mamane-mukuyanęunji pompoņine fukeko jiņokombi oņuine roqunj warequnj eegobi. Anutuji agiburanyanęuj ranębanęine jureko gbagbataeņine fukebuņ, oi niga yabeko niniga gogobi.

¹⁰O maņķekerisie ogopune, Anutuji roosoe ŋaberu onęa ŋareya, ŋoņo oo oderu qij keru dimanimiņ ine, damaņ mogo so rondiņgaru waki

ɲabeɪŋ. Ore eru ɲoŋoʒi oo sanaŋ qanqanɪne qɪŋ keru dimaɪŋgo ore yameŋ keku goinebi. ¹¹Oŋu eru gokabi Anutuʒi ɲone ɲabeme sagako kepore ɲabeko Sombuŋ kae mendiineʒi sosowo anɣame soine akonɲ maɲineo ropenimiŋ. Ofonɲonɲuŋ Yesu Kristoʒi Munanɲoqoqo eru qorumaŋ Rauine fukega. Injore qorumaŋ maŋgo ropebi damaŋ tatariine tomiri siŋaŋ ɲabeko senɣinbaŋɣiŋ fukeru gonimiŋ.

¹²Biŋe buŋo foriineʒi kadi oŋu ɲaduga, ɲoŋo oi raugaru oo qɪŋ keru dimaku sanaŋgagobi. Ore eru buŋo buru migo, oi soine mane taniŋgagobiyonɲ, nonʒi jibu ore eru damaŋ so kegbore ɲareɪŋgo manego. ¹³Oŋu maneru saki fu yooe sopu akoo gobemiŋ ore so buŋo buru oi egu niga ɲabeɪŋ ore mamaneŋaŋuŋ kegboreru bapakare ɲabebemiŋ ore manebe sagaga. ¹⁴Nonʒi saki fune yayaba yo sopu ako oŋuine doduru pipa komeru kome kaeo ropebemiŋ, oŋu mane mukugo. Ofonɲonɲuŋ Yesu Kristoʒi oŋuakonɲ biŋe buŋo oŋuine akonɲ najiko manebonɲ. ¹⁵Buŋo buru qaji ɲarebonɲ, oiji maŋ wombunɲ-ɲaŋuŋgo peko nonʒi niniŋgaru kome kaeo rabe ore ɲadiineo oŋuakonɲ oi soine damaŋ so manesuku goinebi. Nonʒi ore eru sanaŋgaku yameŋ keego. Oŋu.

Kristore kuririquaraŋine oi ʒiŋonoŋuŋʒi ɲoneru kitingaku miegobeneŋ.

¹⁶Ofonɲonɲuŋ Yesu Kristoʒi tinabiŋeine ropekiine roru gio usuŋineke baku goya, niŋoʒi oi noŋunde ʒiŋoʒi piku ɲoneku gobenɲ. Oŋu goku ore so usuŋinere fuŋne eru kirieru wareɪŋ ore buŋoine oi mitaniŋga ɲareru gobenɲ. Oi nemu saiŋ^a oŋuine mibake so ebeneŋ mamanesu tifeine oŋuine oi kosa so boyoberu gobenɲ. ¹⁷Nonʒi Yesure tinabiŋe ropekiine oi niŋonoŋe iŋi fukeko ɲonebenɲ: Kuririquaraŋ Rauine ropekiine iŋoʒi buŋo ojiko buŋo iŋi fukeko maneya: “Iʒi yo nakene yoro made fukeko iŋore maŋneʒi fiame ɲoneaŋi eru manego.” Oŋu ojiko maneme Mama Anutuʒi kuririquaraŋ oteko kuririine raugaru goya.^b ¹⁸Niŋoʒi iŋoke tuku mokiine oo roperu gobeneŋ buŋo oiji Sombunɲgone fukeko manebenɲ.

¹⁹Kajeqouŋ ɲiŋigo ronekonɲ Biŋe buŋo miku quraŋgabunɲ, oi damaŋ yoo mane sarigaru sabarebeneŋ sanaŋ qanqanɪne fuke norega. Ore eru Biŋe Quraŋ ranɣbainere buŋo oi poretiŋ kaje ruaru raugaru goinebi. Doiji kae ubu eko tamaeega, kajeqouŋ buŋo oiji ore so mitaniŋga ɲareega. Iʒoŋo ore tatamaineo qakatoru dimanimiŋ ine, soine Anuture kadi foriine ɲoneru qisirire eebobo yoberu bokeku goinebi. Oŋu go roperu odigabi kae wegi ʒiriŋ sineko kae fufurere ginjaine fukeko maŋ wombunɲ-ɲaŋuŋgo tamaeɪŋ. Ofonɲonɲuŋʒi kirieru wareɪŋ ore ginjaineʒi bataniŋ ɲabeko Anuture ya sosowo ɲone taniŋga forenimiŋ.

^a 1.16 Nemu saiŋ ore fuŋine oi iŋi: Mamane ɲiŋigo yoŋore maŋgo momimi mamane qowiriekeo buŋo fuŋne fuŋne kosa manesuku edobodo ruabi fukeegobi. ^b 1.17 Mat 17.1-5; Mak 9.2-7; Luk 9.28-35

²⁰Buŋo qoruine fuŋfuŋgaine yo mane taniŋgaru so niga ŋabeine: Moreŋ ŋiŋigo moji Biŋe Qurande kajeqouŋ buŋoine oi iŋoyoŋunde mamanesu paiineo mitaniŋgabemiŋ ore embimbiŋgaiŋ. ²¹Oi iŋi ore embimbiŋgaiŋ: Moreŋ ŋiŋigo more maŋ aŋiineji daman mogo so maŋgo eteko kajeqouŋ buŋo fukeko mibuŋ. Oŋu matayoŋ, Moro Tiriineji kajeqouŋ ŋiŋigo maŋyaŋuŋgo boburo yabeko Anutire migone buŋo roru mibuŋ. Oŋu.

Qaqaji jjiibuine yoŋoji goku sibiriganimiŋ.

2 ¹Kajeqouŋ ŋiŋigo jjiibuine oi oŋuakoŋ Israel kufufuŋ botuyaŋuŋgo fukebuŋ. Ore so ŋoŋore botugo qaqaji jjiibuine oŋuakoŋ fukenimiŋ. Fukeru dimaku ŋoŋore mamanesiŋ sibirigaiŋ ore mimijibu buŋo mobeine mobeine oi soŋsoŋgo baru botuŋaŋuŋgo warenimiŋ. Sogunenonŋunji dueyaŋuŋ baya, Ofoŋ oŋuakoŋ mugaru oŋuine oiji yoŋoyoŋe keketotie eru pipa sibiriganimiŋ.

²Oŋuyoy, oi jibu ŋiŋigo boakonji yoŋore boesau mosiyaŋuŋ boyoberu yoŋoyaŋunde aŋigo gonimiŋ. Oŋu gonimiŋ ore eru ŋiŋigoji mamanesuyaŋuŋ ruabi qungako maŋkekerisiere kadi foriinere manebi mimiineke fukeeiŋ. ³Qaqaji jjiibuine yoŋoji ebu eru binaŋ fuŋne fuŋne momimi (buŋo qouŋgaru) kosa misaueku gonimiŋ. Oŋu gobi ŋoŋoji oi maneru afagaru moneŋ ya roru qojuŋgabi kosa bojiqoŋibu baru gonimiŋ. Anutuŋi ŋiŋigo oŋuine yoŋore buŋo ronere ronekoŋgo mitariru goine bokirieme paiyaŋuŋgo ropeiŋgo pega. Anutuŋi ketoqototie yabeingore ore etaŋqataŋ niniga so eiŋyoŋ, fofori yobu joiserereŋ maneru gonimiŋ.

⁴Ketoqototie fukeiŋ ore siŋaŋ bobo buŋo goine oi iŋi: Sombuŋ mimerereŋ goineji Anutire mi qomukuru agiburaŋ ebuŋ, Anutuŋi oi ŋone yabe emboŋ so eyayoŋ, igo yabeko misi korugo yukube rakabuŋ. Igo yaberu qisiri didi dikiineo rua yaberu aeŋ gbediji (chain) nigiiŋ yabeya. Nigiiŋ yaberu siŋaŋ yabeko buŋoyaŋuŋ mitariŋgo ore odi ŋe wapegobi.

⁵Ronere ronekoŋgo ŋiŋigo wuwunuyaŋuŋke moreŋgo gobuŋ, Anutuŋi oi oŋuakoŋ so ŋone yabe emboŋ so eyayoŋ, yoiko soguine miko pakereru yaberu kefa yabeya. Kefa yabeyayoŋ, jibu ŋi Noa iŋoji maŋkekerisiere buŋo miku eebobo poretiŋ enimiŋ ore eru maŋ bapakare eyareru goya, oi eru ŋiŋigo ⁷oi gogoyaŋuŋ sabareku dobu kipe yareya.^c

⁶Oŋuakoŋ Sodom Gomora taŋ yoyoka oi sibiriganimiŋ ore buŋoine mitariku misiji ja yabeko misi gafuyakuŋ akon pebu. ŋiŋigo wuwunuyaŋuŋke yoŋore ya uruŋu fukeiŋ, ore sosoine ŋonekimiŋgo ore oi ruame fukegobire.^d ⁷Misiji sosowo ja yabeingore eyayoŋ, jibu ŋi posiine Lot oi rone botuyaŋuŋgone bomukuku sabareya. Jauba ŋiŋigo boesau ekeson eru yoŋoyaŋunde aŋigo eebobo goine kosa ebi ŋoneru yoŋore

^c 2.5 Jen 6.1–7.24 ^d 2.6 Jen 19.24

mane sembeaku maŋine wakiko goya.^e ⁸Ŋi posiine Lot oi yoŋore botugo goku eebobo jauba mimiine ŋoneru maneru goya, ore eru una so mane bibieru goya. Iŋore maŋ posiineji jijiki sembeako goya.

⁹Sinaŋ bobo buŋo migo, oiji Anuture fuŋne iŋi noduega: Ofonji ŋijigo Anuture gogo sanaŋine kegboreegobeneŋ, noŋuŋ soine eesoigone bomukuru qorunoŋuŋ kipeiŋgo maneega. Oŋu maneegayoŋ, iŋigo kekesiine oi buŋoyanunde geo bokirieme paiyanuŋgo ropeko mimerereŋpuineji sinaŋ yabebi gonimiŋ. Oŋu go ropebi damaŋ sogoji wareko buŋoyanuŋ mitariko jikigaru joiserereŋ maneru gonimiŋ.

¹⁰Ŋiŋigo sakiyanunde aŋi sanaŋine sembene boyoberu wuwunyanuŋke fukeru jaubaji Anuture usuŋ bawaki eegobi, Anutuji oi ronekoŋ mitari yareya ore joiserereŋ soguine maneru gonimiŋ. Qaqaji jijibuine yoŋoji jauba-iriŋbiriŋ paiineo yoŋoyanunde aŋigo goku Sombunde mimerereŋ mamari kuririquranuŋke paibe gogobi, yoŋore sombuyanuŋ so maneegobi. Oi mata yobuyoŋ, oi oŋuakoŋ maŋqoqo buŋo gomogofu miyareegobi. ¹¹Oŋu eegobiyon, Sombuŋ mimerereŋ usuŋyanuŋke qaqaji jijibuine oi yadureru ropekiine fukegobi, oi jibu Sombunde mimerereŋ mamari ŋijigo oi Ofonde jiŋo maio qomukuru maŋqoqo buŋoji gomogofu so mitari yareegobi.

¹²Mimerereŋ yoŋoji oŋu so eegobiyon, ŋijigo yoŋoji sakiyanuŋ ba ropeku Biŋe buŋo so mane mukuru oi jibu yoŋore maŋqoqo buŋo gomogofu kosa miegobi. Joma ruine oŋuine mamane-mukuyanuŋ foriine so fukeko joma gogore aŋi ya wawakiine oi akon maneegobi. Joma ruine fukeru ŋijigoji kosa yabebi komeegobi, yoŋoji ore so kosabasa mutu goku sibiriganimiŋ. Yoŋoyanunde aŋi mamanesuyanuŋ iŋgoŋmaŋgoŋineji ketotie yabebi sibiriga forenimiŋ. ¹³Goine pore kane eyarebi sisikonkoŋ manebuŋyoŋ, Anutuji yoŋoyanunde buŋore geo bokirie yareko joiserereŋ oi akon paiyanuŋgo ropeiŋ. Maŋkekerisie ŋoŋoji maŋyauŋ naduŋgadun enimiŋ ore tumangu ruabi qaqaji jijibuine yoŋoji oo oŋuakoŋ wareegobi. Wareru dukunyanuŋ totogo ŋaduru yoŋoyanunde akon manesuku kanenji nonone akon kudi qaku noegobi. Oŋu eru ŋoŋore saki wonuŋ-ŋanuŋ kokiine kokiine mimiyanuŋke oŋuine fukegobi. Yoŋoyon saki fuyanunde aŋiine bomukunimiŋ ore tutumaŋ ya tatamago ruaru boesau totogo eru kosabasa jerieegobi. “Ziozre ŋirau fukegobeneŋ,” miku goine ŋoŋore so manesuku eadu ŋabenimiŋ ore jeri maneegobi^f

¹⁴Jiŋoŋanuŋji boesau aŋiineo piku ŋigo ŋone yabeegobi, oi boesau akon enimiŋ ore maneegobi. Boesau ya enimiŋ ore aŋiine oi so yobu bokeiŋgo ore maneegobi. Ŋijigo tuturi qaegobi, oi furu yabebi kadi qanjanineo rakabi bama yaberu ubeyanuŋ bopogaega. Ebu eru maŋ

^e 2.7 Jen 19.1-16 ^f 2.13 Qaqaji yoŋoji karonan oŋuine sumangu ruaru ŋegobiyon, oganjanuŋ yoŋoreo qunaru egu qanjangan.

mamanesuyanuj sanajine oo pega. Onu eegobi ore Anutuji sowe yabeme sibiriganimij.

¹⁵Yonjoji kadi poretiŋ ŋadi gaku maŋjijibu tiŋtuŋ raru kajeqouŋ ŋi Balam Beor madeine iŋore maŋjo kadi boyobeegobi. Rosi ŋi koito moji Balam Israel ŋiŋigo eadu eyareŋ ore furi oteya, maŋ aŋiineji monerŋ oi roŋ ore fuke teya. ¹⁶Fuke teyayon, doŋgi moji sembeinere fofo oŋgaru miteya. Doŋgi buŋo so mimiine oiji ŋi maruji buŋo miku kajeqouŋ ŋi iŋore maŋjijibu eebobo oi kipeme embimbiŋgaya.^g

¹⁷Ŋiŋigo yonjoji obu jiŋo jijiine kamasi oŋuine gogobi. Gbuŋparandan gbinji kuaŋ omaine kueine tomiri oi pute yabeega, ore so omaine kosabasa ra wareegobi. Anutuji yoŋore qisiri didire maŋgo pi burugaru yareya, dikiineo yukube rakaru go ropenimij. ¹⁸Yonjoji qoqomuku buŋo omaine miku sakiyanuj baropeku kosa risenkeriseŋ eru furaqararieeru. Saki fure aŋiyanuj sanajine sembene boyoberu boesau didimoji ŋiŋigo kosa pore yabeega. Tiŋtuŋ gogobi, goineji yoŋore botugone usebuŋ, oi jiji buŋoji bapakare yabebi kadi qaŋaŋineo rakabi bama yaberu ubeyanuj bopogaega.

¹⁹Ya moji ŋiŋigo mo kiperu siŋaŋ gaega, ore nigiŋineji oi kipeme oi furiine tomiri mo kiŋaŋ qaku goga. Ore so qaqaji jijiine yoŋoji jiji buŋo iŋi kosa miegobi, “Ŋoŋo niŋo jiki nobebi soine nigij-ŋaŋuj tomiri posiine (fri) fukeru ŋoŋo-ŋaŋunde aŋigo goinebi.” Buŋo oŋu miegobiyon, oi jibu yoŋoyon wuwunujanunde kiŋaŋqoqo fukeru ore niginjo gogobi.

²⁰Yoŋore fuŋneji iŋi kesigako gogobi: Ofonononuj Yesu Kristo Munanqoqo Raunonuj oi mane mukuru oŋuine oiji morende eebobo wuwunujineke oi useru ŋadi gaku moke ore niginji kakariŋ eru qunjaru ŋegobi. Ore eru fuŋfuŋgaineo fiinemeŋ gobuŋyot, tatariineo sembeqombea foreru gogobi. ²¹Anutuji buŋonononuj mitariko posikekiminde fuŋne rone so mane mukuru mutu gonobuŋ, oiji afaine fuke yarena. Onu fukenayon, Biŋe oi fofori yajibi fuŋine mane mukubi biŋeyanuj fukeya. Maŋyanuj kerisieru ore ŋadiineo mimipaŋ buŋo mokiine ŋadi gabuŋ, oiji ya mimiine fukeru mimi qa yareega. ²²Ŋadi gaku kakariŋ eru waki yabeya, oi qoqij buŋo foriine yobu yoyoka ore so fukega. Buŋo miine mo oi iŋi, “Qoroji guburu moke kirieru gugubueine noega.” Buŋo miine mo oi iŋi, “Kaneŋ obu rau tebeneŋ raru moke kirieru gijen resago riŋaru rakaru taŋ qaega.” Onu.^h

Ofon wareinde jofo buŋoine

3 ¹O yoro ogopune, nonji quraŋ ateine yoyoka yo ruabe ŋonoreo foga. Buŋo migo, ŋoŋo oi mane foregobiyon, nonji Biŋe buŋore foriine fukeiŋ ore maŋ-ŋaŋuj gbagbataeŋine oi bapakareru kegbore ŋareku

^g 2.16 Jare 22.4-35 ^h 2.22 Qoq 26.11

quraŋ ateine yoyoka yo yobiŋ yoore eru quraŋgago: ² Kajeqouŋ ŋiŋigo gbagbataeŋine yoŋoji ronekoŋ Biŋe buŋo miku gobuŋ, oi egu niga ŋabeinŋ. Oŋuakoŋ Ofonŋ Munanŋqoqo Rauineji mitiga noreko ŋoŋo-ŋaŋunde sosore ŋi aposolpuŋaŋuŋ niŋoji qaji ŋarebeŋ, oi manesuku keke gbore eku goinebi. Ore eru nonji buŋo oi akoŋ quraŋgabe ateine yoyoka fukega.

³ Buŋo fuŋfuŋgaine mo oi iŋi mane mukuinebi: Kristoji kirieinŋo eko damaŋ tatariine oo igosisi ŋiŋigo fukeru eeboboyaŋunji yoŋoyaŋunde aŋi sanaŋine sembene oi boyoberu igosisi buŋo miku gonimiŋ.ⁱ ⁴ Goineji kirieru wareinde buŋo iŋi miku kepiaru gonimiŋ: “Wareinde jofofo buŋo oi uro pega? Apa ŋasopunoŋunji go waperu komebuŋ, damaŋ oone ya moji so kerisieme rakaya. Anutuji Sombuŋ moreŋ bofuke yapeko yareya sosowo fuŋgaru peya, oi oŋuine akoŋ pe wapeko gogobeneŋ.”

⁵ Oŋu miku buŋo koruŋ yo niga yabeega Anutuji ronere ronekoŋgo mitigaru buŋoinere usunji sombuŋ kojiine kojiine bofuke yabeya. Oŋuakoŋ mitigako obu roinŋa poreru rabi obu maŋineo moreŋ fukeru wapeya. Yoŋoji buŋo koruŋ oi manegobiyonŋ, oi so manegobeneŋ kamasi oo gbedigaru kosa miku qaqouma eegobi.^j ⁶ Jiki mitigako obu yoikoŋi pakareru moreŋ kefagame ŋiŋigo damaŋ oo moreŋgo gobuŋ, yoŋo obu noru komebuŋ.^k ⁷ Yoŋo obuŋi yabeko komebuŋyonŋ, moreŋ qonikiŋ damaŋ yoo ŋone yapeegobeneŋ, oi misiji sibirigaiŋ ore so fukega. Anutuji ore buŋoine oi furu mitiga foreko pega. Buŋo ore foriine fukeinŋ ore damaŋineji ware fukeme Anutuji ŋiŋigo wuwunuyŋaŋunŋke gonimiŋ, yoŋore buŋo mitarime ketotie yabeko sibiriganimiŋ.

⁸ Oŋu fukeinŋyonŋ, yoro ogopune, niŋonoŋe ŋonebeneŋ gosa 1,000 oi damaŋ joroine fukegayonŋ, Biŋe buŋo moakoŋ yo so niga ŋabeine, “Una moakoŋ oi Ofonde jiŋo maio gosa 1,000 ore so fukega eme gosa 1,000 ŋoneko una moakonde so fukega.”^l ⁹ Ofonde jofofo buŋo oi foriineke fukeinŋyonŋ, ore damaŋine oi poretiŋ so manegobeneŋ. Goineji damaŋ oi bojoreme ropeinŋ oŋu manesuku kosa miegobi. Inŋoyonŋ damaŋine so bojorame ropeinŋyonŋ, mane maneku kariaru ŋiŋigo sosowoŋi maŋnoŋuŋ kerisiekimiŋ ore odigaega. Moji misi korugo egu rakaiŋ ore yameŋ keega.

¹⁰ Buŋoinere fori fukeinŋyonŋ, Ofonde waware damaŋi kiauŋ bobo ŋire kamasi wareru fukeinŋ. Oi ututuŋ maŋfuŋnoŋuŋgo ramume embimbiŋgakimiŋ. Damaŋ oo moreŋ qonikinde ya ŋoŋoneine sosowo oi misi fukeru jaku yamuŋine akoŋ peinŋ. Wegi ayonŋ, bobuŋ eru qonikinde yaine sosowo oi pogaru fonuŋ qinŋqururuŋineke oŋgaku jibugaru mataenimiŋ. Moreŋ eru ŋiŋigoŋi ya sosowo oo baku ruabi pega, Anutuji oi sosowo ketoqototieru bokirieme rakaiŋ. Rakaku mitariko ya mo so yobu peinŋ. Mata yobu!^m

ⁱ 3.3 Jud 18 ^j 3.5 Jen 1.6-9 ^k 3.6 Jen 7.11 ^l 3.8 Kiki 90.4 ^m 3.10 Mat 24.43; Luk 12.39; 1 Tes 5.2; Bara 16.15

¹¹Yareya sosowo oi kamasi oŋuine pogaru mataenimiŋ ore ŋoŋoji ŋiŋigo uruŋune fukeru gobi sagana? Ore eru eebobo gbagbataeŋine boyoberu Kristo oŋuine fukeru gokimiŋ ore keke gbore eku goinebi. ¹²Ŋoŋo Anutire damaŋ sogo oi ware fukeiŋ ore odigaru pipa wareinde gio yameŋ keku baku gogobi. Damaŋ oo morende yareya eru wegi, ayon, bobuŋ eru yaine oi misi fukeru joserereŋ jaiŋ. Anutuji qonikinde yareya oi sosowo ketoqototieko pogaru ja foreiŋ. ¹³Oŋu ja foreiŋyoy, Anutuji ya fukeiŋ ore buŋo kipeme pega, niŋoji ore so moreŋ qonikiŋ gariine bofuke yapeiŋgo odigaegobeneŋ. Oi bofuke yapeko oo roperu eebobo poretiŋ boyoberu gokimiŋ.^a

¹⁴O yoro ogopune, ŋoŋo damaŋ sogo oi ware fukeiŋ ore odigaru gogobi. Ore eru iŋi enimiŋ ore yameŋ keku dimainebi: Maŋ-ŋaŋuŋ gbagbataeŋine fukeko Anutuji wonuŋ-ŋaŋuŋ kokiinere buŋo mo so bofukeko iŋoke qakatogobi ore womoo goinebi. ¹⁵Odigaru Ofoŋnoŋunde maŋ kamasiinere iŋi manesuku goinebi: Iŋoji ŋoŋo maŋ-ŋaŋuŋ kerisieru moke qowirienimiŋ ore damaŋine bojorome ropeko odi ŋaberu maneku karieru goga. Yoro ogonoŋuŋ Polji oŋuakoŋ buŋo oi akoŋ quraŋga ŋareyayoy, Anutuji maŋgboroŋ ropekiine oteya ore so buŋo oi quraŋga ŋareya. ¹⁶Ore buŋoine oi quraŋine sosowo oo miku quraŋgaeyayoy, Biŋe Qurande maŋgo buŋo goine oi yobiŋineke. Ore eru goineji oi mane mukunimiŋ ore janjaŋbumbuŋ oderu yobiŋgaegobi. Qaqouma ŋiŋigo tuturi qaku fogaturuŋ kosa goegobi, yoŋoji quraŋine quraŋine oi kosa bakasigaegobi. Ore so Polre buŋo oi oŋuakoŋ babokiri ebi qoqopuse eku jibugaega. Oŋu bakasigaru dimaku yoŋoyoŋe bobosembe eeru misi korugo rakanimiŋ.

¹⁷Yoŋoji rakanimiŋyoy, yoro ogopune, ŋoŋoji oŋu fukeiŋ ore buŋoine oi ronekoŋ mane foreru gogobi. Ore eru ŋoŋo-ŋaŋe sisiŋaŋ ee eku goinebi. Wuwunuŋ ŋiŋigo kadi ririru qosorieegobi, ŋoŋo yoŋore jiji buŋoji pore ŋabeko boyobe yabeku tiŋtuŋ egu ranimiŋ. Gogore otuŋ sanaŋ qanqanine oone oŋu odefosikeru rondiŋgaru egu wakiru ŋabeŋ. ¹⁸Ofoŋnoŋuŋ Yesure yaunmoririgo dimagobi, oo moke jikigaru bo sogueru goinebi. Munaŋqoqo Raunoŋuŋ Kristore fuŋne mane mukugobi, oi jikigaru mane sarigaku goinebi. Oi miteŋ gabeneŋ tinaineji damaŋ yoo kuririineke fukeru jiki tatariine tomiri oŋuine pe roperu goine. Buŋo oi foriine.

^a 3.13 Ais 65.17; 66.22; Bara 21.1